



SAKSFRAMLEGG

Sakshandsamar: Jan Erik Boge	Arkivkode: FE-223
Arkivsaksnr: 22/65	Løpenr: 22/911
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.02.2022	004/2022
Kommunestyret		

Handsaming av søknader om kompensasjonstilskot i samband med koronapandemien

10.02.2022 Formannskapet:

Handsaming i møtet:

Gildskap

Ordførar Knut Harald Frøland (BI) bad om å få vera ugild i saka. Bakgrunnen for dette var at den eine av søkjarane er leigetakar i ein bustad som Knut Harald Frøland eig.

Lena Tveit (BI) bad om å få gildskapen sin vurdert. Bakgrunnen for dette var at ho er venninne med den eine av søkjarane.

Shirin Kvernes Khadoor (Ap) bad om å få gildskapen sin vurdert. Bakgrunnen for dette var at ho er tilsett i den eine av verksemdene som har søkt om støtte.

Knut Harald Frøland, Lena Tveit og Shirin Kvernes Khadoor gjekk frå medan formannskapet handsama gildskapen deira. Øyvind Røen (Sp) gjekk inn som møteleiar.

Knut Harald Frøland stadfesta på spørsmål frå formannskapet at han ikkje ønska å vera med på handsaminga av saka. Formannskapet vedtok samrøystes at han ikkje skulle vera med på handsaminga av saka, jf. reglar i kommunelova §§ 11-10 og 11-11.

Lena Tveit stadfesta på spørsmål frå formannskapet at ho ikkje ønska å vera med på handsaminga av saka. Formannskapet vedtok samrøystes at ho ikkje skulle vera med på handsaminga av saka, jf. reglar i kommunelova §§ 11-10 og 11-11.

Shirin Kvernes Khadoor vart samrøystes funnen gild i saka. Ho gjekk etter dette tilbake i møtet og deltok under resten av handsaminga av saka.

Handsaming

Øyvind Røen sette fram framlegg å om senda saka vidare til kommunestyret utan tilråding. Dette framlegget vart samrøystes vedteke.

FORM- 004/2022 Vedtak:

Saka vert sendt til kommunestyret utan tilråding.

Rådmannen sitt framlegg til vedtak:

Samnanger kommune vart i desember 2021 tildelt kr 424 000 frå staten til vidareformidling til lokale verksemdar, som kompensasjonstilskot i samband med koronapandemien. Dette var staten sin sjette tildelingsrunde av slike midlar i 2021. Kommunane skal vidarefordela midlane i denne tildelingsrunden etter reglane for den notifikerte nasjonale paraplyordninga som vart godkjent av ESA 16.04.2021.

Samnanger kommune gir i denne tildelingsrunden stønad til følgjande lokale verksemdar som har hatt inntektstap og/eller ekstrakostnader som følgje av smitteverntiltak og nedstenging under koronapandemien:

Verksemd	Tilskot
Bjørkheim Kro og Motell AS	90 000
Ine's Hudpleieklinikk	25 000
Milano Pizzeria	40 000
Muir Cateringservice	20 000
Thor Egil Nilsen (ferieleilighet)	34 000
Thea Marie Steinsland (frisør)	75 000
Kate Hege Totland (frisør)	140 000
Sum	424 000

Dokument som er vedlagt:

Tilskotsbrev frå Kommunal- og regionaldepartementet - runde 6/2021

Oversikt frå departementet - Fordeling av midlar runde 1 til 6/2021

Publiseringstekst kommunal kompensasjonsordning for lokale verksemdar i Samnanger - runde 6

Søknad - Bjørkheim Kro og Motell AS

Søknad - Ine's Hudpleieklinikk

Søknad - Milano Pizzeria

Søknad - Muir Cateringservice

Søknad - Thor Egil Nilsen

Søknad - Thea Marie Steinsland

Søknad - Kate Hege Totland

Kva saka gjeld:

Samnanger kommune vart i desember 2021 tildelt 424 000 kroner frå staten til vidareformidling til lokale verksemdar, som kompensasjonstilskot i samband med koronapandemien. Dette var staten sin sjette tildelingsrunde av slike midlar til kommunar i 2021. Samnanger fekk tildelt midlar til vidarefordeling i fire av desse rundane. Målet med tilskotsordninga i sjette runde er å avhjelpa lokale verksemdar som er ramma av lokale eller nasjonale smitteverntiltak. Målet er at likviditeten skal betrast for det lokale næringslivet og at verksemdene får dekkja dokumenterte meirkostnader og/eller dokumenterte tap som følgje av smitteverntiltak og nedstenging.

Departementet sitt tildelingsbrev følgjer vedlagt. I brevet står det mellom anna følgjande:

- Departementet forventar at kommunane tildelar midlane raskast mogleg for å betra

situasjonen for bedrifter og deira tilsette.

- Departementet ber kommunane om å bruka den såkalla *notifiserte ordninga* for alle tilskot i sjette tildelingsrunde.
- Verksemdar som var i vanskelegheiter per 31.12.2019, kan ikkje tildelast støtte.

Samnanger kommune kunngjorde 13.01.2022 søknadsordning for midlane i sjette runde 2021, i lokalavisa Samningen, på kommunen si heimeside og i regionalforvaltning.no. Søknadsfristen vart sett til 27.01.2022. Søknader måtte sendast inn via regionalforvaltning.no. Kopi av publiseringsteksten følgjer vedlagt. Det går der mellom anna fram at kommunen i runde 6 ønskjer å fordela midlane til verksemdar som kan dokumentera tapte inntekter og/eller meirkostnader i perioden november 2021 til januar 2022.

Mynde til å gjera vedtak om tildeling/fordeling av midlane i sjette tildelingsrunde ligg til kommunestyret.

Oversikt over søknader:

Det kom inn søknader frå sju næringsdrivande i kommunen i runde 6/2021:

Verksemd	Søknadsbeløp
Bjørkheim Kro og Motell AS	95 173
Ine's Hudpleieklinikk	100 000
Milano Pizzeria	702 335
Muir Cateringservice	66 000
Thor Egil Nilsen (ferieleilegheit)	84 400
Thea Marie Steinsland (frisør)	200 833
Kate Hege Totland (frisør)	295 108
Sum	1 543 849

Nedanfor følgjer ein kort gjennomgang av kvar søknad.

Bjørkheim Kro og Motell AS

Verksemda har tidlegare motteke koronastøtte på i alt kr 200 000 frå Samnanger kommune, ref. kommunestyrevedtak i sak 010/2021 (kr. 100 000) og 049/2021 (kr. 100 000). Desse stønadsmidlane vart gitt til høvesvis kontaktfri servering (sak 010/2021) og kompensasjon for nedgang i inntekter frå arrangement og utleige (sak 049/2021). I desse to søknadsrunane søkte verksemda om støtte på høvesvis kr 250 000 (sak 010/2021) og kr 250 000 (sak 049/2021).

Bjørkheim Kro og Motell AS søkjer no om støtte på kr 95 173, som kompensasjon for tapte rominntekter i periodane november 2020 – januar 2021 og november 2021 – januar 2022. Utrekning av inntektstap på kr 95 173 er lagt ved søknaden, og ligg også som vedlegg til dette saksframlegget.

Ine's Hudpleieklinikk

Verksemda har ikkje motteke koronastøtte frå Samnanger kommune tidlegare.

Søkjer no om støtte på kr 100 000 som kompensasjon for tap av inntekt på behandlingar og varer. Inntektstapet gjeld mellom anna perioden frå 12.03.2020, då verksemda måtte halda heilt stengt. Søknadssummen er identisk med kassakreditt/lån som verksemda har teke opp i samband med koronapandemien. Dokumentasjon på inntektstapet er ikkje lagt ved søknaden, men det er lagt ved ein utfyllande søknadstekst og ei stadfesting på oppretting av kassakreditt på 100 000 kroner. Den utfyllande søknadsteksten ligg også som vedlegg til dette saksframlegget.

Milano Pizzeria

Verksemda har tidlegare motteke koronastøtte på kr 100 000 frå Samnanger kommune, ref.

kommunestyrevedtak i sak 049/2021. Desse stønadsmidlane vart gitt som kompensasjon for inntektstap som følgje av stenging og redusert skjenketid. Søknadssummen til Milano Pizzeria i sak 049/2021 var kr 700 000.

Milano Pizzeria søker no om støtte på kr 702 335, for inntektstap i 2020 (kr. 352 335) og 2021 (kr 350 000). Dokumentasjon på inntektstapet er ikkje lagt ved søknaden, men det er lagt ved kopi av skatteoppgjer for 2020 og eit anna dokument frå Skatteetaten. Desse to dokumenta ligg ikkje som vedlegg til dette saksframlegget.

Muir Cateringservice

Verksemda har ikkje motteke koronastøtte frå Samnanger kommune tidlegare.

Søker no om støtte på kr 66 000, som kompensasjon for inntektstap i 2021 (kr 60 000 for tap av oppdrag og kr. 6 000 for tap av varelager). Muir Cateringservice vart starta opp i januar 2021. Dokumentasjon på inntektstapet er ikkje lagt ved søknaden.

Thor Egil Nilsen (utleige av ferieleilegheit)

Verksemda har tidlegare motteke koronastøtte på kr 20 000 frå Samnanger kommune, ref. kommunestyrevedtak i sak 049/2021. Desse stønadsmidlane vart gitt som kompensasjon for inntektstap (leigeinntekter) for kansellerte bestillingar i 2020 og 2021. Søknadssummen til verksemda i sak 049/2021 var kr 20 000.

Thor Egil Nilsen søker no om støtte på kr 84 800, som kompensasjon for inntektstap i mai, juni og juli 2021 (kr 72 000 i tapte leigeinntekter og kr 12 800 i tap av utleige av båt m/motor). Dokumentasjon på inntektstapet er ikkje lagt ved søknaden, men det er lagt ved kopi av formidlingsavtale med DanCenter AS som viser leigepreis pr veke (kr 6 000 for leilegheit og kr 1 600 for båt/motor). Det er også lagt ved kopi av brev frå Samnanger kommune frå juni 2021, med informasjon om vedtak i kommunestyret 10.06.2021 om tilskot på kr 20 000. Ingen av desse to dokumenta ligg som vedlegg til dette saksframlegget.

Thea Marie Steinsland (frisør)

Verksemda har ikkje motteke koronastøtte frå Samnanger kommune tidlegare.

Søker no om støtte på kr 200 833, som kompensasjon for inntektstap i 2020 (kr 179 037) og 2021 (kr 21 796). Inntektstapet er rekna ut på grunnlag av tap i gjennomsnittleg inntening i forhold til før koronapandemien, samt tap grunna seks veker nedstenging frå 12.03.2020. Næringsoppgåver for 2019 og 2020 er lagt ved søknaden. Næringsoppgåvene ligg ikkje som vedlegg til dette saksframlegget.

Kate Hege Totland (frisør)

Verksemda har ikkje motteke koronastøtte frå Samnanger kommune tidlegare.

Søker no om støtte på kr 205 108, som kompensasjon for inntektstap i 2020 (kr 177 000) og 2021 (kr 118 108). Inntektstapet i 2020 gjeld full nedstenging i seks veker frå 12.03.2020. Inntektstapet i 2021 gjeld delvis nedstenging i november/desember. Dokumentasjon på redusert omsetning i desse periodane er lagt ved søknaden, og ligg også som vedlegg til dette saksframlegget.

Vurderingar og konsekvensar:

Rådmannskontoret har fått bistand frå Samnanger Næringsforum v/leiar Knut Bjørnås til vurdering av søknadene. I vurderinga er det mellom anna sett på om verksemda har fått tilskot (koronatilskot) frå kommunen tidlegare.

Rådmannen sine vurderingar og tilråding går fram nedanfor. For nærmare detaljar, vert det vist til vedlagte tabell/oversikt.

Verksemd	Søknads-beløp	Forslag til tilskot	Kommentar/grunngeving
Bjørkheim Kro og Motell AS	95 173	90 000	Delvis kompensasjon for dokumentert inntektstap (tapte rominntekter) i periodane nov 2020 – jan 2021 og nov 2021 – jan 2022.
Ine's Hudpleieklipp	100 000	25 000	Delvis kompensasjon for inntektstap i 2020 og 2021.
Milano Pizzeria	703 335	40 000	Delvis kompensasjon for inntektstap i 2020 og 2021.
Muir Cateringservice	66 000	20 000	Delvis kompensasjon for inntektstap i 2021.
Thor Egil Nilsen (ferieleilighet)	84 400	34 000	Delvis kompensasjon for inntektstap i 2021.
Thea Marie Steinsland (frisør)	200 833	75 000	Delvis kompensasjon for inntektstap i 2020 og 2021.
Kate Hege Totland (frisør)	295 108	140 000	Delvis kompensasjon for dokumentert inntektstap i 2020 og 2021.
Sum	1 191 914	424 000	